

اتنفسيني لما أضيع



للشاعر
علاء الدين على



اسم المؤلف

علاء الدين على

الناشر: دار الفراعنة للنشر والتوزيع
والترجمة

رئيس مجلس الإدارة

إكرام عيد

نائب رئيس مجلس الإدارة

حبيبة وليد محمود

المدير التنفيذي

عزة إبراهيم

تصميم الغلاف والإخراج الفني

إكرام عيد

المرسلات

٣٣ شارع المنورة - فيصل - الجيزة

محمول : ٠١٠٠٦١٤١٦٤٥

٠٢٣٩٧٦٩١٧٦

حقوق الطباعة محفوظة للمؤلف

إهداء

إلي أمي وأبي رحمة الله عليهما
إلي إخوتي وأخواتي وأبنائهم
إلي أبنائي
إلي كل من ينبض قلبه بالحب
الحب حياة

إليها
إتفسيني لما أضيع

علاء الدين علي

مصنع لبنان

اللي ريشه م السعادة
صعب يبقى حزين يطير
كان لي بيها ألف قصة
ناقصة قصتها اللي كانت
مشارك كل القصص
مستحيل تبقى كمحور حبهن
دي اللي راحت بالنصيب
واما فاض همي ف لقاها
ريشي سابني ريشة ريشة
قلت أجرب ريش صناعي
غيرها ياما حسوا صدقي
في القصيد كلها
أصلي شاعر
كلمتي أقوى مخدر للمشاعر

كل واحدة فيها منها شيء بسيط
ذي عين لحظة لقا
لازمة ليها ع اللسان
إسمها وصف وبيان
تيجي تطلب مني أكتب
آجي أكتب فجأة يظهر
شكلها يملا الورق
أكتب القصة اللي فشلت
كلمة فيها العشق شمسه
قهر ل الليل الجري
حرف ينفع ترجمة
للي بيحسه البشر
وأما غيرها تقرا نبضي
فجأة تبني
عش ليه أربع ببيان

باب لصورة . باب لسيرة
والبابين حب إحتكار
باب مكهرب . باب يغرق
والبابين قتل ودمار
أرجع أكتب إني كاره
أي ريشة تمس جلدي تكون صناعي
ألقى نفسي فجأة مصنع ل اللبان
كل تاء تأنيث بندغة
من طبعهم فيض الحنان
أكتبلهن ف قربهن با كون سعيد
كثروا ف حياتي المدمنات
رغم اني حابب وحدتي
وانا وحببتي مش سوا

جراح مش ماهر

الحالة جراحة بإيد ماهر

ثم إستئصال كل الأوجاع

القلب العاشق لعنيها

والنني الراسم لصورتها

على كل وشوش الناس جملة

والإيد اللي فيوم لمستها

وشفايفي البايسة للمستها

والرجل اللي خدتني لبيتها

ولساني اللي اتغزل فيها

والمخ اللي بيرسم فرحة

وأنا بحلم مع غمضة عيني

بسعادة اترسمت ف عندها

وبرغم مهارة جراحي

كتب الإقرار طالب أمضي

قال يعني أوافق على قتلي

فضحكت وقلتله معقولة

ميت هيوافق على موته

هو القمر يشع نور

ملهوف أنا

لكني فإكر إنها

مشغولة بيه

وصل الذكاء قمة هرم

حببت أزود نسبته

وقع إنتهى

مع إني ما كنتش غبي

قبل اللقا

وأما حسيت سحرها

قلبي نده

نجم الليالي خد عيوني

تبص بصة ربما

بتراقب النجم المكلف

بانعكاس الضي من عين القمر

وف كل ليلة أنه عليه

يا هلترى

نطقت بإسمى ف الهوى

يسكت أقول نلت الرضا

يسخر يذبذب بالضيا

عايز يقول

هو القمر بيشع نور

وقعدت يوم

على شط بحر الأذكي

مالك لأسطول الغباء

وبدأت أترجم كل كلمة بعكسها

حتى الوضوح

بقيت أفلسف منطقه

بالفزلة أصبح غموض

أقنعت نفسي برفضها

وف كل مرة تقول دا قال

أضحك بنار

لحد لحظة الانفجار

بس . إرحمي . مبتفهميش

قالت غبي عايزاك تغير

صدقها

ونسيت مخازن ف المخيخ

إدراك . و وعي . وعلم نفس . وفلسفة

عقلي الذكي صابه الجنون

معذور أنا

ماهو شئ يجن

فيه حد يقدر ع الهوى

لما يبقى الكون بحاله قلبها .

وتحبنى

قلم كحلة

حضن الشمس في رموشها

وحد الكحل بينور

سحر عنيتها بالإشعاع

يصيب قلبي كما الرعشة

في عز البرد للعريان

قمر سابح في نن العين

بنار وجدانها بيوزع

حالات دهشة على القاعدين

يطل شمال يطل يمين

وناحية عيني ميطلش

عشان عيني ماهيش شايفاه

بتنقل دايمًا الصورة لنن القلب

فتثبت فيه متتهزش

ويبدأ نبضي في التحليل
يشوف كل العجب فيها
مجرة وشها الساحر
نار الشمس مش فيها
ودايمه الشعلة براها
في وجدان اللي شاف عينها
وقال مش ذنبها انه صبح والع
وايه الدافع
تفكر في احتلال عازف
على وتر الآلات جملة
وسادد ودنه عن ألحان
وحتي قلبها مرضيش
يعيش وحده الأمل في هواه

فاخذ قلبي يعيش وياه

ودي مش بس اوصافها

قريت علم الفلك فيها

فاخفت أتوه

قلم كحلتها خد قلبي

وطار لهواه

يا خوفي يطير في يوم عقلي

وأقول ليلاه

هدف سامي

طب ايه فاضل وايه تاني
من الممكن وم الجايز
مشيت على إيدي ع الماية
ورابط ف الهوا رجلي
عشان مغرقت
تشوفني سحابة فابتضحك
وتدمع عينها م الضحكة
وداب الحبل فجأة وقعت
و من رفضي اكون غرقان
لميت في العيون السود
فارحت اسألها ليه تقلك
قالت لي كتير اوي قالو
كلامك . ممكن التغيير
ومتغيرش شيء فيا

باشوف الخلق من برة

دهب قشرة

وهي ياقوتة مشغولة

بلون الحمرة في خدودها

دي حبكة صنعة المولى

ومين شافها مقالش الله

وترس الحيرة يعصرني

مع لسانها

بكل بساطة تسألني

بتقصد ايه

برغم الترجمة واضحة

دا حال الشعرا وقت الحب

صابتني الدهشة ووداني

بتسمع كل مافي

يقول انك هدف سامي

ووحده لساني ما قلهاش



شفت ملاك

وكانك ليه مالهاش ف الحل

زي أما بنسأل ليه الشمس

بتدفي الكون

مع إنها أصلا جمرة نار

او جايز برضو قدر ونصيب

رزق ومكتوب

مغنطة وبتجذب عقل حبيب

يصبح مجذوب

وكتير من وصفك احتمالات

شبكات توزيع

بتشفر بئك للمهوف

تلاقيكي كمان ناسية الشفرات

عايزة اللي بيقدر ع التهكير

وعنيكي بتشبك بالعدسات

اشعاعها مالوش في الفيزيا بيان

وان كنت بيان

فاهم للكيميا ما بين اتنين

الكيميا ما بينا بدون تفسير

مصنع لمخدر للتفكير

بيغيب وعيي عن الدنيا

ويسيبك إدمان جوايا

وكأنك نذاهة بتنده

قلبي البردان

بالوهم يروح

على صوت قلبك

يلقى التوهان

وانا عايش من قبلك حالة

موهوم جدا (سيكولوجيا)

أقرا العين و الكف معاها

وأكشف نبض القلب كلام

عندك جهلي بقى اسطوري

يعني انا قبلك شفت ملاك

سباح وقشة

قشة نجاه الغرقانين

بغرورها شايفه انها سفن النجاه

رغم إنها تشبه حياة

أمهر صنوف السباحين

اما شِرقِ خاف الغرق

احتاج لها ومسكها لحظة بامتنان

اخذ النفس قام حبها

قال ياترى

لو خدتها يوم شط الهنا

يبعدھا عن موج العذاب

ممکن لها تنسى الألم

خافت اوي من حقها

والسعد فيها يادوب سراب

والمشكلة رسمت عليه

أن الشطوط شئ سهل أفكار ممكنة

قرب يصدق إنها رافضة الطريق

رغم المخاوف تخسره

خلاها مركز دايرته

حواليها عام

و ياريتها قدرت إنها تعرف معاني الاحتواء

لكنها من جهلها

رفضت تسبب مجهول براح

مشيت على عرف المثل
نسيت ف نبرة كبرها
إن اللي طالب ودها
بعد النجاة ما بقاش غريق
إزاي هيتعلق بها
واللي بدا من إهتمام
ماكنش غير ... رد لجميل

ويجا

وبلف القرص أجرب وهم

السهم اللي بياخد ايدي

ويحدد بيها حروف حظي

قال ويجا هتكتب اقداري

كتبت قدري معاها ف Game

قلت ياريت أخرج من همي

رحت سائلها اسم اللعبة

لف السهم لحرف الA

ايه اللعبة اللي بتبدأ

بالحرف الثابت ف سوالي

عشرين مرة

ترس خزين الفكر الداير

جوة مخيخي صابني صداع

إغماءة نوم
شفت الحلم الثابت دائما
إني بليغ باعزف على عودي
وقصادي ميادة تغني
بتقول لي و بكل نعومة
(باعشق الكلمة اللي بتقولها
وبعشق ضحكتك)
بعدها ببيل ريقها سطح خدي
كل مرة
والغريبة فوق خدودي ريقها يبقى
اصحي القى عيوني فاضية
م الدموع
العيون ترفض منامي

جزء مني حس بيا
والهويس في الرمش فاتح
ضغط دمعي
حيرة سكنت فوق لساني
عايز أسأل
هو ممكن عيني تبكي؟
لما مخي يكون غياب
بس هي اللعبة ويجا
خلت الأفكار سراب
واما جاني اليوم نسيته
كنت عايش بين حروفي
مرة جارح
مرة نازف دم جرحي

كل حواديت الحبايب
عشتها حبة ورق
واما شعري شاف عنيا
كان له اكر ف المشاعر
كلهم حاسين كلامي
هي لأ
بس قالت لعبة حلوة
كل موقف بينا ممكن
يتكتب فيها قصيدة
يعني ويجا طلعت ارحم
من حبيبتني
لما قالت إن اسمي
يبقى حرف

المكتشف اينشتاين

سيراميك حوائط جه غلط

فرشوه في أرضية هوى

مايلة وميلها ناحيتك

واترحلقت كل المشاعر

عند عينك تنتهي

قلبي الحديد أملس جري

حب إمتلاكه ل نظرتك

فكر يخوض التجربة

يطلع لفوق

من لبخته قام رش زيت

بالذمة بتسميه لئيم

وان كان كدا

مين اللي جاب نوع البلاط

مين اللي زقه ف الغرام

ما عنكي أصلا مغناطيس
متسبش قلب ف مطرحه
مالكيش مثيل
فيكي الأمل والمستحيل
الاتنين سوا
وعنيكي أجمل مصيدة
وبقيتي مادة ف العلوم
وعرفها قبلي ف التاريخ
المكتشف أينشتاين

جن القصيدة

هو قلبك زي قلبي
مرة حب الناس كلام
ولا حبك زي حبي
تعرفيه بس ف منام
إوعى مرة تقيسي شعري
بالمشاعر في القلوب
مهما كان إحساس حقيقي
بعد حالته ليس إلا
حب شاعر ع الورق
أيوة ممكن يقتعك
إن عود كبريت موع
لو رماه و البحر عالي
يطلع السمك اللي فيه
مشوي على نار الغرام

القصيدة بتتبني عدة بيوت
نبي ونعلي العمائر
والديوان يبقى المدينة
مبنى واحد نسكنه
والمباني فيها بعض من الشبه
بصمة الشاعر صديقتي ف دنيته
لما تقري ف يوم قصيدة وتعيشها فكري
إحرسى القلب الضعيف
وإرقي نبضه ف القرابة
غير كذا الذنب ذنبك
لو عشقتي سطر شاعر
ألف زار وبخور بجاوا
عند عشقك مش مفيدة
مين يحب الشعر يطرد؟
من كيان جن القصيدة

خط الالهفة

كات ف إديكي

فرصة وضاعت

كنت بسطر قلبي العاشق

بين خطين الالهفة ف قلبك

بس عنيك زي العادة

دايما شايفة بعدسة زوم

وعشان مرة تحني بنظرة

لازم أبعد

أصبح بعد عنيك وصال

قلت وماله

يمكن شوقها لصوتي ياخذها

يوم وتنادي

فجأة اتجهت نظرة عينك

يمة قمره فوق ف العالي

قلت أطلعك

ماهو علشانك ممكن جدا

قمت عملت السلم نبضي

سوره بنيته بصبة شوق

وظلعت أجري بألمي الخايب

بس بضهري

وأما وصلت لآخره وقعت

تهت ساعتها ف ضحكة سنك

قام الفرح يزغزغ قلبي

وانا قال فاكر بيه حسيتي

قلت وسيطة ممكن تنده

ع اللي ف حلم سنيني دا كله

لما تصارحك عن وجداني

ورميت ودني ف حجرك يومها

أسمع إنك حاسة وخايفة

أو خجلانة
فجأة عرفت الجدة الغالية
ليه كات تدعي ويا زعلها
سمعت الرعد
لما اتشكل رد لساتك ذيه تمام
إني خفيف
شرخ سحب السما جوايا
وأما الحب الساكن جوفي
مات م الصدمة
جاية عشاني
لأ وتقولي
اللي يحب لايمكن يكره
أيوة صحيح
بس محال الميت برضو
يرجع حي

سحر عنها أو شعري

وقال عملاني مرجيحة

وبترقصني ع الأفكار

وبتوقني ف نجيلة

وتعمل خمسميت إعصار

وبتنطأ لي وجداني

كأن العشق دا إستاذ

كذا كورة

كور حب وغرام وحنين

ولهفة وشوق مع حنين

تراوغ قلبي انا المحروم من الوجدان

تجيب الجون

وتعمل نفسها حكام

وتلغي الفوز

وتحسب لي هدف مكتوب

وقال إن القصيد هدايا
أحس بان أنا دولي وواد لعيب
أشاكس سطر أوراقي
مانا الحبيب
وأروح أطلبها لبطولة
تقول لي إنسى
أنا عاملة بسحري فريق
من الغمزة إلى آخر حدودي غرام
ويا مسكين
غرامك يبقى كله كلام
يفوز مرة
ويخسر ألف أو أكثر
بدون إحساس
أسلمها الكؤوس مرغم
حبيبتي خلاص أنا مهزوم

صبح * و * مسا

* الصبح *

صباح الورد والنرجس

على عنيني

صباح قلبي اللي بات يرقص

يناديكي

شروقك نور الدنيا

شعاع الشمس فعنيكي

بحبك زي نجم بعيد

وأنا فعلا قريب ليكي

صباحك نسمة يا غالية

عبيرها لمسة ف إيديكي

صباح شحرور على الشجرة

بتغريده يصحيكي

صباحك لما تبتسمي

وأنا وقلبي حواليلي
عيون البسمة دي السكر
يدوب فيا وأدوب فيكي
* المسا *
مساء النهر لو يجري
لضي البدر
ينورّ للسمك سكة
يعيش الفجر
مساءك إنتي يا غالية
يا عمر العمر
ولو كان السمك نبضي
فإنتي البدر
أما النهر د عشقك
واقولك سر
أنا غرقان ومش لاقى

لقلبك بر
مساء الرقة ماترقي
كفاكي الشر
تكوني ف يوم كدا زيي
ف عز البرد بتقولي
هموت م الحر
مساء الخير على قلبك
ودا قلبي ما بين إيدك
وتحت الأمر

مسموم فرح

باب الرموش اما اتقفل
على ن عين بعد اللقا
شفت الخلايق كلها
بعيون حبيبتى فى المنام
عشاق بيتمنوا الوصال
صحيت لقيت صبر الجمل
فى المعدة من كتر الفرح
داير صحارى عشقها
اربع ليالى و ذيهم
ايام سعادة بقربها
كل الطيور والزقزقة
فى البطن نطقت بالخرس
والجوع فرس
مات فى الحشا مسموم فرح
اه منه احساس الهنا
شبعان غرام وسط المحن
واما الطبيعة اتحركت
لف المخيخ مع معدتى

غاب و عيي لحظة عنها
برفان هدية جنتي
شميته يمكن احس جوع
رجع لي إحساس الشبع
عشان لقتني بعيد بعيش
وياها ريحة عطرها
وناديت بصوت نبض الهوي
يا كل اعضاء الجسد اتغيري
متهددش روعي الخلاص
ميّ غرام عايش انا
وصراحة بعد النص دا
حسيت بجوع



كتاب ماكملش

فتحت الباب لشرياني

فسال دمي

لمس وجدانها واتخرج

خليط دمين

وفجأة دمنا اتشكل

رسم قلبين

نزلنا كتاب عن العشاق

وعلمنا القلوب الفرح

ودايما صفحة الوجدان

بهامش قصدنا تبسيط

وف الهامش فنون تعقيد
رغم اللي ما بينا وضوح
في شرح الحالة بنحدد
دموع قسوة حبيب عاشق
وصد حبيبة من خوفها
يسيبها ف يوم
يلومها تستمع تهدى
ويهدى وهي تيجي تلوم
ولسة دمنا بيجري
على الصفحات
قلوب بتعيش كذا حالة
طباع كل البشر ف العشق
ميتين صفحة عشان الشوق
بتوحشني وبوحشها
من الرممش اللي يغمض قرب

لحد البعد

ورغم إن الكتاب لسة

ماتمش باقي كام صفحة

قلوبنا فيها الوانها

كما لون السما صافية

كتابنا تم توزيعه

على كل اللي شاف فينا

عيون بتحب

ومكتبة الغرام نني

بينشر عشقتنا للكون

وهم ساعات الفرح

الألم في حياتي صاحب
والوجع ابليس لعين
من بداية الابتسامة
يبدأ الوسواس يقول
اوعى تفرح عيش حزين
لما تبقى الضلمة عادة
ايه يفيد نور العيون
إنسى م الاسماء سعيد!.
ايوة خاين غصب عني
للألم اللي صاحبني
طول سنيني
لازم اغدر بيه واسيبه
واللي باقي هعيشه ليا

عشت منه وليه حياتي
بس بوهب قلبي ساعة
من خيالي للفرح
كنت اشوفه في عين حبايبي
آخده وابعده بيه بعيد
كنت بعصي اللمة دايمًا
خلى قلبي يعيش وحيد
واما صدق مشاعري خدني
ليها صبرت ع الوجع
كنت أحن ألقاني باقسي
واللي اقوله لنفسى يمكن
رحمة بيها دموع عنيتها
عشت اهرب خوف عليها
واحدة واحدة علمتني
انها ف الكون فرح

و ف سماها طرت اغني
واتقابلنا هناك روحين
والسعادة اشعة حارقة
بيها طبينا الجروح
واللي جوة القلب طارح
في ابتسامه
قلبي يضحك ابدأ اشمت
في الألم صايباه الندامة

فريدة قلبها صافي

لما حبيبتي بتدندن
حروف اسمي
باقول ان النغم ساحر
وجملتها كما أنغام
وفي البستان دي روح وحياة
اميرة عرش سكانه
ندى ماسك ايدين زهرة
و نسمة تعدي على فلة
وبعد الفلة ياسمينا
بتاخذ م الندى رشفة
توزعها فتبقى عبير
ولما بتيجي وتطبب
تقول طيب يا عين حاضر

أشوف في الطيبة دي أمي
يليق ع الام وصف حنان
خلاص حسيتها بين الناس
معاني حبها اسماء
بتملك كل ما فيا
فريدة قلبها صافي
وانا والوحي والكلمة
سمانا اسمها الهام
بهمسة شوق ونبض حنين
يخط القلب ما فينا
و آخذ نبضي لعنيها
بيغرق في رحاب كنزي
مع الاحساس
يفرط ماس حوار بيننا
جواهر تتكتب اشعار

وبابني سور كلام قلبي
كسور الصين
تشوفه عجيبة في الدنيا
يحسه القلب قبل العين
وما خلف الجدار وحدي
بعيش انا فيه
فابتدوب القلوب بحثا
ما بين كل السطور عن اسم
فتضحكي بصوت همسات
تقول ارحم اقول لآة
دا اسم حبيبتى متحصن
اقوله تنطلق دواوين

خيال الوصف

انا اللي الحيرة وخداني
ف وصف حبيبتى بالمعقول
اقول حبيت ضيا نجمة
ترد النار تقول لأه
مافيش نجمة بتطفى النار
ولو مرة ناديت فيها
زهور بستان جميل عطره
يرد نسيم هوا العشاق
يقول لي انسى
وكيف؟ اسأل
ونسيتاني هاييجي إزاي؟
يقول حبك ربيع علطول
وفي البستان فصول تانية

واشوف عشق السما للبحر
احس ان السما هي
وانا الماية اللي عاكساها
يرد البعد بين الاتنين
يقول هيهات
ويضحك فجأة صوت الرعد
فتبكي سمانا بالفرحة
على حبيبين
ونفرح نجري في المطرة
نكون طفلين
ابص ف عينها واوصفها
ندي عمري
تنادي الشمس من فوقنا
تقول لي اصحي
نقط عشقك بتعصاني

فكيف تكذب على حبك
محال لنداها يتبخر
حبيبتي وصفها كونها
عشان انسانة مالها مثيل
بيترقى خيال الوصف ف عنيا
وقيمة حقها بتقل
صابتني جنون على جنوني
فاحببت هيا مع هن
ونون والتاء
وكل مسمى بالدنيا
مؤنث كان لقلبي حبيب

إيه المانع

عنيكي الوحي والإلهام
ومطبوعة ف عيني هيام
بغمضة تنعكس صورتك
لقلبي يدق دقاته
يترجمها الكلام جهرا
تحسه قلوب ماهياشي
على نبضي بتتقلب
وباكتب شعري من عينك
وماتحشيش
وانا وقلبي يا نبض الروح
من الجايز وم الممكن
نكون صورة في اغنيه
بلحن العشق أمنية

نكونك بر م الأفراح
وبستان م الورود جوري
وقل بيحضن الياسمين
عشان يبقى الصفا مخلوط
برمز الحب يا غالية
و هاتكوني عشاني نسيم
يوزع عطر انفاسي على الزايرين
وياخذ م العبير شوقي
دوا المحروم
وايه يمنع يا نور عيني
نكون واحد ونستقبل
مشاعر قلبنا الملهوف
مادام الممكن الجايز هيسعدنا
وليه نبعد وبنكرر سبب نارنا
سيبيني انتفض بيكي

يا عين فيها قلوب بتدوب
انا حبيت اكون محبوب
وحابب كل مافيكي
بلا استثناء
تعالى قربي حبة
على استحياء
ولكن مش كسوف الشمس
فماتشعش خيال الصد
واشعاعك يا حلمي يكون
دوا العاشق في ليل البعد
عشان قلبي اللي عاش يحلم
بان هواكي مالهوش حد

خيال في خيال

على مرسى القلوب عشقي

سفينة شوق

أسافر فيها وتأخذني

لشط جزيرة ترميني

اقول فارقت

تفك السحر القاها

حبيبة من جنون شاعر

اقول جنية في الماية

تقول لي لأ انا هيا

وجيالك يا نور عيني

تعوم شبرين وتتدارى

وقلب ي يغوص يلاقيها

بقت لؤلؤ

اقول غالية فتضحك لي
وتهديني السبل للفرح
اغض عيني احضنها
فتتحول كما نجمة
ومن قاع البحور رحلة
نلف سمانا ونجومها تغير منها
حدود العشق لعنيها
اكون ساحر واحويها
كما هيا عشان خاطري
يامين يقدر يعلمني
ومين في الدنيا يفهمني
انا حاسس بايه وإزاي
وايه خلاني بتمنى
علام السحر
عشان مرة الخيال خدني

اشوفها ف حضني انسانة
واحساسها بيملاني
امي وبنتي وحببية
عشان عاشق ومش قادر
اكون لحظة بعيد عنها
فاقربها
ف خاتم سحري تتحرك
عشان سحراني بجمالها
ونفسي اسحرها تعشقتني
ماهي عاشقة وانا معشوق
ورغم اني مبلمسهاش
بعيش الحزن وياها
خيال في خيال

طماع عشق

محتاج لك إيه
واشتقالك روح جوايا إزاي
وانا كل مافيا بيندهلك
انا حاسس بيكي كمثله حواه
لو مرة تبوسي بشوق صورتي
بيكش الخد وبتخيل
ان شفائفك بالرقيق لمساه
بتنادي عليا وبسمعك
بيحن القلب ويندهلك
اسمك مج هول

والكل بيسمع ندا قلبي
ولأني مجامل من طبعي

بساتين الدنيا بتتغدر
وورودها بتلبي ندايا
لكن بكسوف
وتلمح للقلب يصرح
ارجعك بعبير اشواقها
واصرح بمواقف عدت
في ما بيني وبينك وما بينهم
وف ودنك اهمس لك عايز
والخوف من رفضك طلباتي
مقدرش اقولك عايز ايه
عايز كل ما فيكي لعيني
لمسة ايدك
وانتي ف حضني
همسة عينك ويا الرغبة
قلبك كلك طب مين زيك

ممکن یطمع فیہ وجدانی
علشان خاطرک و خاطرک اقرب
جوا عیونی و شعری هواکی
شعری لوحده میکفیش
وانتی و روحک کل منایا
نفسی فی دنیا العشق أعیش



كذاب صريح

لما قالت ممكن أطلب
من حبيبي أي حاجة
قلت عيني
فجأة ضحكت
ترجمت ضحكتها روي
وابتدت تكتب سيناريو
كله داخلي
الا مشهد بس خارجي
اول الحدوته لما
كادر حفلة
والإضاءة عالية جدا
وسط بهو الكادر شمعة
والفتيلة قايدة نار

خدني قلبي بخطوة ثابتة

وابتدا بينهم حوار

هي بالدمع اللي سائل

فجأة قالت

الف لمبة في المكان

واحدة تشبه اختها

واحدة نادر ضيها

كلهم عزفوك على

وتر الجمال لحن الهوى

وتبص لي توهنتي

قام رد قلبي بنبضتين

اتفضلي

دخلت تشوف

قلب ضلمة تنوره

وتعالج الجرح اللي فيه

و عرفت ايه ضحكت عليه
رجعت من رحلة خيالي للقا
قتلها أوامر يا قمر
قالت لي عايزة اقتلك
وفجأة عقلي بينتهي
مبقاش يحول ليه كدا
وعى الإشارة لترجمة
مين دا اللي حد توقعه
اوحتى من وحي الخيال
يرضى حبيبته تقتله
مجنونة رسمي بالهوى
وانا قلت عيني للاسف
طب أعمل ايه
لحقتني قالت مش كدا
انا قصدي أركز في الحياة

قوم اقتلك في الفكر بس
وعملت فيها افلاطون
قال يعني اني فهمتها
وانا من يومها مسألة
مالهاش جواب
أما باقول من عيني ليه؟
تضحك وترسم وشها
فرحة عتاب

دكتوراه

إكتبيني في الروشنة للوقاية والعلاج

قلب أخضر كبسولات

غلفيها بفيض حنانك

للمريض اللي اشتكى نقص المودة

عين وفيها الدمع لامع

مش بكا محض اشتياق

لما عيني تناجي عينك

وقت صمت لقاها يبقى

حبها احلى الكلام

واعملها قطرة منها

صعب نظرة عين تخيب

يدمنوها العاشقين

اما دمي اللي ف وريدي

ليكي وحدك كورس علمي

تاخدي منه الدكتوراه
كل ساعة تاخدي حقتة
والتخرج لما دمك يبقى دمي
واسكن الوجدان في قلبك
وان ف يوم هاتحاضري عني
قولي عنك خلتييني
علم نافع للبرية
نبع عينه سلسبيل
نهر حبه ليا جاري فرع واحد
متعة القلب اللي عاش لي
التقاها ف قربه ليا..
اما في التشريح يا عمري
دربهم ع القصيدة
أصل انا في الكلمة عايش
محتواها

ورد الاحاسيس

انا قبلك كان معنى حياتي
حرمان بإرادة من الوجدان
و مكنتش عايزم الدنيا غير الخيالات
مستكتر على نفسي الفرحة
والوحدة ونيس
كواليس الحزن بتتجهز
والعرض آام
بصيت لك حسيت بالهزة
فامسكت شعاع عينك يمكن!!
اقدر ابعده عني التأثير
اتاريني!!
رسمته بخط نيشان لسهام كيوبيد
ولقلب القلب هجم حبك
وعرفت معاني الإستسلام!
وصحيت على دنيا مبعرفهاش
مستغرب جدا وانا حلمي
بقي شيء ملموس
والعشق الزارع شوق اصبح

بستان ووروده ما ليها حدود
الوردة الواحدة بتتفسر
بمعاني جديدة على العشاق
برويها بصورتك فتفتح
وتزهزه تنطق احساسي
والوردة جارتها بتدلع
فتفوح بعبير
وتقول غيرانة وتتمايل
فاكتبها اوام

تتكرر مع كل ورودي
والحالة غرام
وشعاعك مش عادي دا ناري
حروقتي ودابت أوصالي
و ف نفس اللحظة بتطفييني
تسقينني حنان

وان قسوة قلبك حسيتها
بلاقيكي بوجعي من الدنيا
على قلبي احن

بتجودي مشاعر يستقبل
نبضك اتجن
توجتك ملكة ويكفيني
بمشاعري اكون علشانك شعب

فرمان احساسك يوصلني
فأطيعه محبة واعدى الصعب
اعلنتك على كل الدنيا
بأشعة عينك سيطرتي
و برقة طبع ملكتي القلب

بث الروح

سبيني بنجمي نتأمل
ف كونك نقرا جواكي
يا سر النبض بالفرحة
بقيت ملهم بإحساسك
وإحساسي بهوى قلبك
بقي اقرب لي من ناسي
وقبلك ياما كان تلميح

ورغم اني فهمت العين
ماحستهمش جوايا
قهرت الشوق وغبت سنين
ماهي رقة قلوبهم زيف
وجيت قلبك سكن روحي

لقيت قلبي العنيد بيرق
بيسمع اهة جواكي ما بتقوليهاش
يعيش حالتك ويتألم
ويرسم ضحكة في عيونك
عشان خوفك يروح مايجيش
وبث الروح بترجمتك بيوصلني
أقولك كل ما فيكي
تقولي إرحم بجد حرام

موجه كل اسلحتك لقلب ضعيف
اقول تستاهلي فتدوبي
قدرتي ازاي
تكوني سكرة عمري
تحلي الدنيا ف عيوني من الدوبان
وبتعيشي الفرحة همسات

وبين الهمسة والتانية
بتحتاجي لميت اثبات
تتوهي في العجب لحطات
وبتخافي ساعات ممكن
عشان عادة
في قلب الست يتدارى
جنوح القلب

ولو مرة تحب تقول
نقط ضعف الغرام فيها
بتتماسك
وبتداري على روحها

فمتشفش اللي جوة القلب
في مرآة بتعكس عكس

ورغم دا كله تحكيلى بما فيها
تقول جملة اكمل بعدها جملة

ونتشارك سوا في القول
فتبدأ نبضتك دهشة
وبتقولي عليك عفريت

وَأَدِ الْقُلُوبَ

سِيْبِي عَنِيْكَ فِ عَنِيَا
لِحْدِ النَّيِّ مَايُصَوِّرُ
وَتَثَبَّتْ صَوْرَتُكَ الْغَالِيَةَ
أَعِيشْ فَرِحَةَ لِقَا دَائِمِ
وَطَعْمِ الدُّنْيَا دِي يَحْلَى
لَوْ اَعْكَسَ يَوْمَ شَعَاعِ عَيْنِكَ
عَلَى الَّذِي يَشُوفُ خِيَالَ عَيْنِي
وَسِحْرَ النَّظْرَةِ دِي فِيهَا
وَيَسْمَعُ صَوْتِي بِبِرْدِ
أَحَاسِيْسِ الْهُوَى بِيْكَ
وَكَلِّ حُرُوفِي دِي بَتَنْطَقُ
كَلَامَ يَأْسِرُ جَمَالَهُ قُلُوبَ
عَشَانَ سِيرَتِكَ عَلَى لِسَانِي

تفوق الشعر بالفطرة
وتفتح للأمل شبابيك
تطل بشوق على بكره
وتأخذ كل من يعصي
هوى العشاق
فيتعلم في ساحة عشقنا طاعة
يطيع قلب اندفن بحياة
من خوفه يقول ميت أه
ودا بس الأثر فيا
فما بالك
لو أظهر وانتي ويايا
وأشوف حتي الهوا عاشقك
اكيد هحتاج لألف حجاب
كمان ارقيني من نفسي
ومن كل اللي شاف قلبي

على جبيني مقالش الله
وألفين زار عشان أطرده
عيون غاوية
تفرق بين قلوب عشاق
وبتمنى اخبيكي
وأخبيني بعيد جدا
ونفضل في الغرام سيرة
نحبهم في بعضيهم
تنام عين الحسد فيهم
وتغفل عن هوانا يعيش
وتبقى الفرحة احوالنا
وأحوالهم
يحسو ازاي هوا غيرهم
فيرووا العشق جواهم
فيطرح حبنا اساطير

رجع الحمام

حمامة واقفة تبصلي
هدلت قصادي بكل شوق
وعنيها من عشق البشر
سألت سؤال
يا هلترى فإكر زمان
وانا والحمام
شايلىن رسايلىك بالغرام
عشان ما يلمس قلبها فيها الكلام
والا نستنى في الغياب
انا تهت طائرة كام سنة ورجعت لك
بالرد منها يسعدك
حمامتي نطقت بالنظر
وسمعت نظرة فهمتها

قربت أجيب منها الجواب
طارت ورجعت مرتين
ووقفت فإكر شمسنا
لما بكت نار الهوى
من ضعفها
ترسم طريق من قوس قزح
للرد وتجيب الفرح
مكسوفة تنشر ضيها
على سرب تاه من كام سنة
جاية السعادة تنطلق
في حمامة م السرب اللي ضاع
راجعة معاها نبضتي
فوق محتوى
رد الحبيبة ع الرسايل كلها
جمعت سنين مستني اقرا ردها

ف ضمير وكلمة واسمها

(انا بعشقتك)

والشمس رجعت من كسوف

فتحت عنها مغرمة

و حبيبي من بين السحاب

بعثت معاني حبها ويا المطر

فتحت عنها تقول هوى

شبكت إيديا معاها شوق

وحمامتي بترفرف سعيدة بحبنا

فكتبتها رجع الحمام



عفرة هشيم

إزاز ضعيف
بيني وبينك يا ملك
أرق من صفحة ورق
بعد الحريق
نسمة هوا تقدر عليه
وتحوله عفرة هشيم
وانا ابقى اضعف م النسيم
مش ضعف بالمعنى المتاح
لكنه خوف
خايف فتاته يجرحك
اصلك أرق المخلوقات
وعشان هوايا مبدأه
راحتك اهم

بقي شئ مهم
أسيبك إنتي تبدأي
وألبي دايماً رغبتى
ف عنىكى ساعة رغبتك
من كل دا
مستنى لما تقربى
بزفير حرارة مهجتك
ناتج هبوب الاشتياق
وتحطيمه
رغم ان أنا
بنيت ف عمري اللى سبق
اسوار عناد بتصد كلمة مستحيل
وأخذت لقبى بامتنان
اسم العنيد
وبعون وفضل الله بقيت

قد التحدي ف كل شئ
وعند عينك تهت ليه
بقيت مجرد قلب حب
وبقيت برئ
ما تكسري الحاجز بقى
وتوصلي
كل السلوك مع بعضها
أرجع أعيش عمر الصبا
ف عيون حبيبي الطيبة



إتنفسيني لما أضيع

بريمة للبترول قدر
نظرة عنيكى ولهفتك
والشعلة قايدة كل يوم
بتولعي بس وخلص
وتليني قلب الحجر
وأنا إيه في إحساس البشر
علشان يا غالية استحملك
أنا كل مافي بينصهر
قربت اتحول بخار
رغم الصعوبة في الخيال عندي أمل
انى أختلط بالأكسجين تنفسي
واشوف بداية شعلتك
من قلب قلبك يا ملاك

يمكن الاقي في برده حاجة تردني..

هيكل كياني المكتمل قرب يقع

والجوف دا دايب من زمن

ايه العمل

خير الوسائل للدفاع إزاي هجوم

وانا خايف اهجم اتحرق

مع إني كنت جهاز مطافي لشعلتك

لكن غازات الصبر رجعت تشتعل

خرجت لي من جوفك نيران بتشدني

حببت حرارتك في اللقا وقت الشتا

وأنا من بعيد

ومشيت اقرب من عنيكى الطيبة

ووصلت لك لكن في صيف

قلبي اشتعل وماهمنيش

اتاريني حببت اتحرق

ما كنتش غير

بكلمة تنتهي دنيا

ونرجع تاني ميت خطوة

ونبدأ بالتردد هجر

نخاف نجرح غريب عنا

وبالجهل اللي علمنا

بان الجرح بعد الفرحة شئ لازم

بنطعن فرحة جوانا

ورغم ان السنين عدت

ما بين شكوى وبين كتمان

بتجزع مرنا نقطة

بطعم الشهد فبنرجع

كما كنا سنين حرمان

حبيبتي عشقتنا جرحي

بقيت عايش كما الأموات

عشان حسيت ف يوم قلبك

بيتمنى الهوي لحظات

ماكنتش غير

لكن قلبي اللي عشقتك غير

خيوط الالهفة كات باقية

مايبيني وبين دفا صوتك وف سكوتك

لقت نفسي اللي دابت شوق

بتتبخر كلام جارح

ورغم إنه مكانش صريح

ولا في العادي فيه تجريح

لكن واصل

لمخرج دام نزييف للجرح

لقت الوهم إني افرح عشان طيب

وطيب عندك المعنى

يخالف واقع الطيبة

مقدر تيش

قلب عاشق للحياة

أنا ماسك

ف صورة قديمة بهتانة

على حبال القلوب في السيرك

تمر جحني ابتسامتهن

وأترجمها لغات أخرس

عشان مسمعش

تدور جوايا حدوتة وأبطالها

سكن عشقي القديم فيا بيتكلم

وكل كياني أدامه بيسمع بس

أنا قلبك أنا جواك

بياناتي بتوصفك

حببية كل تراكيبك

من الواقع ومن مجهول

ومن حاضر ومن ماضي

ف ممكن لونها يتشابه
وممكن نظرة يا صاحبي
تغنيك
بفن الأرت أغنية
تصدقها
وتخلق منها أسطورة
عن العشاق
تبات تحكيها ضليلة
شعاع حرمان يصيبني معاك
وتتحرك
شموسك تظهر الدمعة
وانا محبوس
إشارتي
بمعنى العشق يا صاحبي

بتوصل عينك الباكية

عشان ترتاح

بتلعب بيها دمعاتك

على أول حبيباتك

وأنا جواك وبتعذب

انا قلبك

عشقت الساكن الغائب

ك بيت مهجور ومرتّب

بيوجعني كتير شوقك

مينفّعش اللبن الأبيض

يكون مدلوق وتسقيني

نبش القلوب

كل نقطة ف دمي ليكي
لو تداوي اعلمها
بلسم الدمعة ف عنكي
خلي ضحكك نور حياتي
واللي دبل زهر عينك
من بكاكي طول سنينك
لملميه جوة الحكاوي
وف حشايا ارمي همك
دمي يغلي بس اهون
اني اشوف دمك يا عمري
اصل نبضي البور بيطرح
لما أعيش ف هواكي وأفرح
واما جرحك فيه بيجرح

انتي كلك اصل مني
نبضي ضلك وانتي كلي
واما شمس الاله تقرب
من عيون الفرح فيكي
قلبي بيضلل عليكي
واما قلبي تزيد أهاته
راحتك انتي بتداويه
والتقيكي يمامة طائرة
وابقى عايشك ابتسامه
اصلي عشك قصدي قنك
مهما نتفارق بنرجع
عيشي عمرك جوا مني
تاكلي حب النبض حبي
واما سربك يوم ينادي
قلبي اولي

خلي مملكتك عشائي
أصلي بيكي بقيت اناني
لما حسيتك كياني
نبش قلبي للمواجع
جوة قلبك تجربة
اني أكسر كل مانع
تبقي قربي يا طيبة
فكرة اعمل نهر جاري
غرقانين باقي الأجل
والهدف توزيع همومنا
و الألم على ضفتين
لجل يجري النهر بيننا
مايته شهد وعسل

أسلاك المخيخ ساحت

ومال الجتة ليه خابت وظايفها

بقالي قلب يتحكم

بكل مافيّ وبيأمر

وبيحركني ناحيتها

وأسلاك المخيخ ساحت

كمان مأمور أعديلها

وأعديها لبر الشوق

وهيّ ف قلعة متحاوطة

بسور الخوف من الجيات

دا سور عالي سبيكته فولاذ

عصيت الأمر من ضعفي

حلف إني مانامش الليل

فارحت إليها أتظلم

ومين غيرها
في كل الناس عليه يقدر
وحتى بصة جت عيني
تبربشها
قالتلي إنطق نطق هو
وقمت أرقص على الطبله
ودقة قلب لحظتها ترج الأرض
قالت لي إني بقيت مجنون
قامت تمشي
فقلت لها متستني
فقامت راقعة زغرودة
نطق الأخرس وقال كلمة
طب إنطق قول على حكايتك
قلت لها هطيع قلبي
أنا مش أد عصيانه

هـديك جبال الكون
وأـديكي معايا نعيش
على عشق الوجود كله
لـقيت نظرة خجل منها كما المفتاح
وهـديت الحصون بيننا
وظايف جسمي من تاني
أهي شغالة ويايا
بـقيت عاقل بعيد عنها
ولما نكون ف دنيتنا
مفـيش مانع أكون مجنون



ملاك

راكب جدار الريح

فارد جناحي بشوق

قلب الزمان تباريح

قلبي أنا مخنوق

محتل من حسنها

مش لاقى حته براح

أربع غرف ياما

تسكنها وحديها

إثنين بطين إشتكو

مفيش مكان للدم

أما الأذنين غنى . بالنبض بيردد

نطق حروف إسمها

كل الحواس قالت

هيّ حبيبة الروح

جيانى م الجنة

طبيبة هي الدوا

حبة شقوق في الشوق

للحب عالجتها

هم السنين جرحه

صفالي شرياني

حلف يمين صادق

ع الدم ما يحييه

إلا بنظرتها

والأوردة تايهة
والجلد متكرمش
ميت ف صورة حي
صعبان عليك حالك
مع إنك المتهم
سبت البشر كلهم
رايح تحب ملاك



صابت عيني بربوشة

قالت لي اتحفني بقصيدة
عشان يخطفني وجدانك
كلام متقلش يوم قبلك
ولا منك
وأكبر من خيال عاشق
وأجمل م القمر والشمس
تسيني حنان أمي
وتسجني
في أرض العشق تأبيدة
فقتلها خلاص عيني
ويا قلبي اللي تاه مني
ويا الحوسة بقيت محتاس
مفيش كلمة ولا جملة

ولا معنى يخص الحالة جوايا
مقلش الشعر يوم فيها
أقول لوري خبط قلبي
ومين يضمنها ف الدنيا
يكون القصري ما قلهاش
وفجأة الفكرة جت بالي
أشغل نبضي ف التطنيش
وقلت مشاغل الدنيا
وهم بيفقد التركيز
ولما تجيني رنتها
مردش حتى ع التليفون
ويوم جتني بتسأل ليه
عشان عايزة العسل منك
بتقرصني
وصابت عيني بربوشة

عشان مقدرش أو عدها
وغصبن عني ما أوفيش
فمسكت عيني فتحتها
وبصت فيها بتقول لي
عنيك فيها قسايد عشق



هم بيضحك

قاعدة ف أوضة باصة لصورته

بتفكر ليه

كل سهامه جوا كلامه

قتلت جوا العين النوم

بيفكر فيها في نفس الوقت

ليه مش قادرة تحس بإنه

لم خيوط النور ف حياته

من إلهامها

نرجع تاني بعدسة نشوفها

بتعمل إيه

ماسكة الصورة بتاعته بتضحك

لما واعدھا سوا يتقابلوا

جابت كل أصحابها وراحوا

ماهي مكسوفة

خاففة لتضعف تسبق هي
بقت الصورة السيلفي ساعتها
هم يضحك
البربند بيرغي حكاوي مع صحباتها
وأما يكون وياها لوحدہ
دايما يسكت
حتى لاسلكي العين عطلان
تيجو نشوفه بيعمل إيه
يا نهار أبيض
دا بيرسم صور العشاق
أحلى كلام
عامل عقدين جوا قصيدة
عقد اللؤلؤ
غاص ف بحور الدنيا وجابه
عشان عينها

عقده الثاني م النجمات
طار ف سماها لملم فيها
عايز يخفي ضلامها بنور
وأهم إتقابلو
قام بيدندن ليها قصيدته
تليفون رن نغم سكاكين
قامت ردت رجعت قالت
ممكن م الأول أسمعها
عادها كلام
كل هيام النص الغالي
كان أوهام
بصت جوة عنيه بسؤالها
مين صاحبته
ألف قصة وأبدع فيها
مدت إيدها حس الرعشة
مالك حبي ضحكت أبدا
أصل حبيبي على التليفون

جيوكاندا النهاردة

من وجدان الصورة قبالي
جوا كيان الضحك مدارية
ميت دمعاية
عايزة تطولي العشق الغالي
عند سماكي
شايك طير الحزن --
الرابط نفسه ف شجرة
فيها العش الهادي الميت
لما إحتله ميت صياد
شاي ف مينا ف ساعة إيدك
من غير مرسى
سايبة عقارب تلدغ فيكي
دايما حملك على باب قلبك

أهة ودمعة حسيت بيها
زي مخدة نومك وإنتي
نايمة بتبكي
نفسك حد يبص لقلبك
حلم الدنيا تحسي بإنه
قبل جمالك حسك روح
عاشقة اللون الغامق دايم
أصلك لون الصفا ف الدنيا
قلب بريحة الفل كيانه
دايم حاسس أمل الفرحة
مع انها جاية ف قطارة
نقطتها تنزل ف سنين
أما بحور الحزن المرة
دايمة معاكي ف الفيضان

وبرغم إن الضي فعينك
لسة ما شفش الشوق جوايا
من عينك حاسس بحياتك
وانتي معايا مجرد صورة
حتى الصورة بتتطق قالت
الإحساس بالذنب ف روحك
سر عذابك



مِيتُ دنجوان

كان نفسي أكتب غنوتي

الحبر سري ميتقريش

على ورقة من صنع الهوا

لا تتلمح

ولا حتى ممكن فالفراغ تعمل أثر

رغم إن حلمي أشتهر

بين النسا

عاش عمر عايز ينطلق

وسط الوجود

وقدرت أعمل من ورق

مِيتُ دنجوان

رسمت خطة محكمة

أقرا العيون

وقريت حالات صورتها

إحكام تفرد وإزدهار
وتهت من كثر العدد
حسيت كما الحيط الأصم
أصوات غرام
ترسم كياني من فرح
واللهفة باينة زي ضي الشمس
بيحسها حتي الكفيف
والعمر بيضيع ف الغرام
واحبها وتغيب يومين
وأحب ضي العشق ف عيون بعدها
وأحب حب الناس لكلمة قلتها
وف كل مرة أكتشف
إن الحبايب كلهم
بيحبوا إنسان كنيته
حبة

رقم الايداع
١٥٧٧٢

الترقيم الدولى

978-977-6668-09-6